

大般若波羅蜜多經卷第八十七

日七

唐三藏法師玄奘奉詔譯

初分學般若品第二十六之三

憍尸迦若菩薩摩訶薩能於布施波羅蜜多
學無二分故能於淨戒安忍精進靜慮般若
波羅蜜多學無二分故是菩薩摩訶薩能學
無量無數無邊不可思議清淨佛法何以故
無二分故憍尸迦若菩薩摩訶薩能於內空
學無二分故能於外空內外空空大空勝
義空有為空無為空畢竟空無際空散空無

變異空本性空自相空共相空一切法空不
可得空無性空自性空無性自性空學無二
分故是菩薩摩訶薩能學無量無數無邊不
可思議清淨佛法何以故無二分故憍尸迦
若菩薩摩訶薩能於真如學無二分故能於
法界法性不虛妄性不變異性平等性離生
性法定法住實際虛空界不思議界學無二
分故是菩薩摩訶薩能學無量無數無邊不
可思議清淨佛法何以故無二分故憍尸迦
若菩薩摩訶薩能於苦聖諦學無二分故能

於集滅道聖諦學無二分故是菩薩摩訶薩
能學無量無數無邊不可思議清淨佛法何
以故無二分故憍尸迦若菩薩摩訶薩能於
四靜慮學無二分故能於四無量四無色定
學無二分故是菩薩摩訶薩能學無量無數
無邊不可思議清淨佛法何以故無二分故
憍尸迦若菩薩摩訶薩能於八解脫學無二
分故能於八勝處九次第定十遍處學無二
分故是菩薩摩訶薩能學無量無數無邊不
可思議清淨佛法何以故無二分故憍尸迦

若菩薩摩訶薩能於四念住學無二分故能
於四正斷四神足五根五力七等覺支八聖
道支學無二分故是菩薩摩訶薩能學無量
無數無邊不可思議清淨佛法何以故無二
分故憍尸迦若菩薩摩訶薩能於空解脫門
學無二分故日七能於無相無願解脫門二學無二
分故是菩薩摩訶薩能學無量無數無邊不
可思議清淨佛法何以故無二分故憍尸迦
若菩薩摩訶薩能於五眼學無二分故能於
六神通學無二分故是菩薩摩訶薩能學無

量無數無邊不可思議清淨佛法何以故無二分故憍尸迦若菩薩摩訶薩能於佛十力學無二分故能於四無所畏四無礙解大慈大悲大喜大捨十八不共法學無二分故是菩薩摩訶薩能學無量無數無邊不可思議清淨佛法何以故無二分故憍尸迦若菩薩摩訶薩能於無忘失法學無二分故能於恒住捨性學無二分故是菩薩摩訶薩能學無量無數無邊不可思議清淨佛法何以故無二分故憍尸迦若菩薩摩訶薩能於一切

智學無二分故能於道相智一切相智學無二分故是菩薩摩訶薩能學無量無數無邊不可思議清淨佛法何以故無二分故憍尸迦若菩薩摩訶薩能於一切陀羅尼門學無二分故能於一切三摩地門學無二分故是菩薩摩訶薩能學無量無數無邊不可思議清淨佛法何以故無二分故憍尸迦若菩薩摩訶薩能於預流學無二分故能於一來不還阿羅漢學無二分故是菩薩摩訶薩能學無量無數無邊不可思議清淨佛法何以故

無二分故憍尸迦若菩薩摩訶薩能於預流
向預流果學無二分故能於一來向一來果
不還向不還果阿羅漢向阿羅漢果學無二
分故是菩薩摩訶薩能學無量無數無邊不
可思議清淨佛法何以故無二分故憍尸迦
若菩薩摩訶薩能於獨覺學無二分故能於
獨覺向獨覺果學無二分故是菩薩摩訶薩
能學無量無數無邊不可思議清淨佛法何
以故無二分故憍尸迦若菩薩摩訶薩能於
菩薩摩訶薩學無二分故能於三藐三佛陀

學無二分故是菩薩摩訶薩能學無量無數
無邊不可思議清淨佛法何以故無二分故
憍尸迦若菩薩摩訶薩能於菩薩摩訶薩法
學無二分故能於無上正等菩提學無二分
故是菩薩摩訶薩能學無量無數無邊不可
思議清淨佛法何以故無二分故憍尸迦若
菩薩摩訶薩能於聲聞乘學無二分故能於
獨覺乘無上乘學無二分故是菩薩摩訶薩
能學無量無數無邊不可思議清淨佛法何
以故無二分故憍尸迦若菩薩摩訶薩能學

無量無數無邊不可思議清淨佛法是菩薩
摩訶薩不為色增減故學不為受想行識增
減故學何以故以色蘊等無二分故憍尸迦
若菩薩摩訶薩能學無量無數無邊不可思
議清淨佛法是菩薩摩訶薩不為眼處增減
故學不為耳鼻舌身意處增減故學何以故
以眼處等無二分故憍尸迦若菩薩摩訶薩
能學無量無數無邊不可思議清淨佛法是
菩薩摩訶薩不為色處增減故學不為聲香
味觸法處增減故學何以故以色處等無二

分故憍尸迦若菩薩摩訶薩能學無量無數
無邊不可思議清淨佛法是菩薩摩訶薩不
為眼界增減故學不為色界眼識界及眼觸
眼觸為緣所生諸受增減故學何以故以眼
界等無二分故憍尸迦若菩薩摩訶薩能學
無量無數無邊不可思議清淨佛法是菩薩
摩訶薩不為耳界增減故學不為聲界耳識
界及耳觸耳觸為緣所生諸受增減故學何
以故以耳界等無二分故憍尸迦若菩薩摩
訶薩能學無量無數無邊不可思議清淨佛

法是菩薩摩訶薩不為鼻界增減故學不為
香界鼻識界及鼻觸鼻觸為緣所生諸受增
減故學何以故以鼻界等無二分故憍尸迦
若菩薩摩訶薩能學無量無數無邊不可思
議清淨佛法是菩薩摩訶薩不為舌界增減
故學不為味界舌識界及舌觸舌觸為緣所
生諸受增減故學何以故以舌界等無二分
故憍尸迦若菩薩摩訶薩能學無量無數無
邊不可思議清淨佛法是菩薩摩訶薩不為
身界增減故學不為觸界身識界及身觸身

觸為緣所生諸受增減故學何以故以身界
等無二分故憍尸迦若菩薩摩訶薩能學無
量無數無邊不可思議清淨佛法是菩薩摩
訶薩不為眼界增減故學不為法界意識界
及意觸意觸為緣所生諸受增減故學何以
故以眼界等無二分故憍尸迦若菩薩摩訶
薩能學無量無數無邊不可思議清淨佛法
是菩薩摩訶薩不為地界增減故學不為水
火風空識界增減故學何以故以地界等無
二分故憍尸迦若菩薩摩訶薩能學無量無

數無邊不可思議清淨佛法是菩薩摩訶薩
不為苦聖諦增減故學不為集滅道聖諦增
減故學何以故以苦聖諦等無二分故憍尸
迦若菩薩摩訶薩能學無量無數無邊不可
思議清淨佛法是菩薩摩訶薩不為無明增
減故學不為行識名色六處觸受愛取有生
老死愁歎苦憂惱增減故學何以故以無明
等無二分故憍尸迦若菩薩摩訶薩能學無
量無數無邊不可思議清淨佛法是菩薩摩
訶薩不為內空增減故學不為外空內外空

空空大空勝義空有為空無為空畢竟空無
際空散空無變異空本性空自相空共相空
一切法空不可得空無性空自性空無性自
性空增減故學何以故以內空等無二分故
憍尸迦若菩薩摩訶薩能學無量無數無邊
不可思議清淨佛法是菩薩摩訶薩^六不為真
如增減故學不為法界法性不虛妄性不變
異性平等性離生性法定法住實際虛空界
不思議界增減故學何以故以真如等無二
分故憍尸迦若菩薩摩訶薩能學無量無數

無邊不可思議清淨佛法是菩薩摩訶薩不為布施波羅蜜多增減故學不為淨戒安忍精進靜慮般若波羅蜜多增減故學何以故以布施波羅蜜多等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為四靜慮增減故學不為四無量四無色定增減故學何以故以四靜慮等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為八解脫增減故學不為

八勝處九次第定十遍處增減故學何以故以八解脫等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為四念住增減故學不為四正斷四神足五根五力七等覺支八聖道支增減故學何以故以四念住等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為空解脫門增減故學不為無相無願解脫門增減故學何以故以空解脫門等無二分故憍

尸迦若菩薩摩訶薩能學無量無數無邊不可思議清淨佛法是菩薩摩訶薩不為五眼增減故學不為六神通增減故學何以故以五眼等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為佛十力增減故學不為四無所畏四無礙解大慈大悲大喜大捨十八佛不共法增減故學何以故以佛十力等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不

為無忘失法增減故學不為恒住捨性增減故學何以故以無忘失法等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為一切智增減故學不為道相智一切相智增減故學何以故以一切智等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為一切陀羅尼門增減故學不為一切三摩地門增減故學何以故以一切陀羅尼門等無二分故憍尸迦

若菩薩摩訶薩能學無量無數無邊不可思議清淨佛法是菩薩摩訶薩不為預流增減故學不為一來不還阿羅漢增減故學何以故以預流等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為預流果增減故學不為一來向一來果不還向不還果阿羅漢向阿羅漢果增減故學何以故以預流向預流果等無二分故憍尸迦若菩薩摩訶薩能學無量無數無邊不可思議清淨佛法是

菩薩摩訶薩不為獨覺增減故學不為獨覺向獨覺果增減故學何以故以獨覺等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為菩薩摩訶薩增減故學不為三藐三佛陀增減故學何以故以菩薩摩訶薩等無二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為菩薩摩訶薩法增減故學不為無上正等菩提增減故學何以故以菩薩摩訶薩法等無

二分故憍尸迦若菩薩摩訶薩能學無量無數無邊不可思議清淨佛法是菩薩摩訶薩不為聲聞乘增減故學不為獨覺乘無上乘增減故學何以故以聲聞乘等無二分故憍尸迦若菩薩摩訶薩不為色增減故學無二分故不為受想行識增減故學無二分故是菩薩摩訶薩不為色攝受壞滅故學不為受想行識攝受壞滅故學何以故以色蘊等無二分故憍尸迦若菩薩摩訶薩不為眼處增減故學無二分故不為耳鼻舌身意處增減

故學無二分故是菩薩摩訶薩不為眼處攝受壞滅故學不為耳鼻舌身意處攝受壞滅故學何以故以眼處等無二分故憍尸迦若菩薩摩訶薩不為色處增減故學無二分故不為聲香味觸法處增減故學無二分故是菩薩摩訶薩不為色處攝受壞滅故學不為聲香味觸法處攝受壞滅故學何以故以色處等無二分故憍尸迦若菩薩摩訶薩不為眼界增減故學無二分故不為色界眼識界及眼觸眼觸為緣所生諸受增減故學無二

分故是菩薩摩訶薩不為眼界攝受壞滅故
學不為色界乃至眼觸為緣所生諸受攝受
壞滅故學何以故以眼界等無二分故憍尸
迦若菩薩摩訶薩不為耳界增減故學無二
分故不為聲界耳識界及耳觸耳觸為緣所
生諸受增減故學無二分故是菩薩摩訶薩
不為耳界攝受壞滅故學不為聲界乃至耳
觸為緣所生諸受攝受壞滅故學何以故以
耳界等無二分故憍尸迦若菩薩摩訶薩不
為鼻界增減故學無二分故不為香界鼻識

界及鼻觸鼻觸為緣所生諸受增減故學無
二分故是菩薩摩訶薩不為鼻界攝受壞滅
故學不為香界乃至鼻觸為緣所生諸受攝
受壞滅故學何以故以鼻界等無二分故憍
尸迦若菩薩摩訶薩不為舌界增減故學無
二分故不為味界舌識界及舌觸舌觸為緣
所生諸受增減故學無二分故是菩薩摩訶
薩不為舌界攝受壞滅故學不為味界乃至
舌觸為緣所生諸受攝受壞滅故學何以故
以舌界等無二分故憍尸迦若菩薩摩訶薩

不為身界增減故學無二分故不為觸界身
識界及身觸身觸為緣所生諸受增減故學
無二分故是菩薩摩訶薩不為身界攝受壞
滅故學不為觸界乃至身觸為緣所生諸受
攝受壞滅故學何以故以身界等無二分故
憍尸迦若菩薩摩訶薩不為意界增減故學
無二分故不為法界意識界及意觸意觸為
緣所生諸受增減故學無二分故是菩薩摩
訶薩不為意界攝受壞滅故學不為法界乃
至意觸為緣所生諸受攝受壞滅故學何以

故以意界等無二分故憍尸迦若菩薩摩訶
薩不為地界增減故學無二分故不為水火
風空識界增減故學無二分故是菩薩摩訶
薩不為地界攝受壞滅故學不為水火風空
識界攝受壞滅故學何以故以地界等無二
分故憍尸迦若菩薩摩訶薩不為苦聖諦增
減故學無二分故不為集滅道聖諦增減故
學無二分故是菩薩摩訶薩不為苦聖諦攝
受壞滅故學不為集滅道聖諦攝受壞滅故
學何以故以苦聖諦等無二分故憍尸迦若

菩薩摩訶薩不為無明增減故學無二分故
不為行識名色六處觸受愛取有生老死愁
歎苦憂惱增減故學無二分故是菩薩摩訶
薩不為無明攝受壞滅故學不為行乃至老
死愁歎苦憂惱攝受壞滅故學何以故以無
明等無二分故憍尸迦若菩薩摩訶薩不為
內空增減故學無二分故不為外空內外空
空空大空勝義空有為空無為空畢竟空無
際空散空無變異空本性空自相空共相空
一切法空不可得空無性空自性空無性自

性空增減故學無二分故是菩薩摩訶薩不
為內空攝受壞滅故學不為外空乃至無性
自性空攝受壞滅故學何以故以內空等無
二分故憍尸迦若菩薩摩訶薩不為真如增
減故學無二分故不為法界法性不虛妄性
不變異性平等性離生性法定法住實際虛
空界不思議界增減故學無二分故是菩薩
摩訶薩不為真如攝受壞滅故學不為法界
乃至不思議界攝受壞滅故學何以故以真
如等無二分故憍尸迦若菩薩摩訶薩不為

布施波羅蜜多增減故學無二分故不為淨
戒安忍精進靜慮般若波羅蜜多增減故學
無二分故是菩薩摩訶薩不為布施波羅蜜
多攝受壞滅故學不為淨戒安忍精進靜慮
般若波羅蜜多攝受壞滅故學何以故以布
施波羅蜜多等無二分故憍尸迦日七若菩薩摩
訶薩不為四靜慮增減故學無二分故不為
四無量四無色定增減故學無二分故是菩
薩摩訶薩不為四靜慮攝受壞滅故學不為
四無量四無色定攝受壞滅故學何以故以

四靜慮等無二分故憍尸迦若菩薩摩訶薩
不為八解脫增減故學無二分故不為八勝
處九次第定十遍處增減故學無二分故是
菩薩摩訶薩不為八解脫攝受壞滅故學不
為八勝處九次第定十遍處攝受壞滅故學
何以故以八解脫等無二分故憍尸迦若菩
薩摩訶薩不為四念住增減故學無二分故
不為四正斷四神足五根五力七等覺支八
聖道支增減故學無二分故是菩薩摩訶薩
不為四念住攝受壞滅故學不為四正斷乃

至八聖道支攝受壞滅故學何以故以四念
住等無二分故憍尸迦若菩薩摩訶薩不為
空解脫門增減故學無二分故不為無相無
願解脫門增減故學無二分故是菩薩摩訶
薩不為空解脫門攝受壞滅故學不為無相
無願解脫門攝受壞滅故學何以故以空解
脫門等無二分故憍尸迦若菩薩摩訶薩不
為五眼增減故學無二分故不為六神通增
減故學無二分故是菩薩摩訶薩不為五眼
攝受壞滅故學不為六神通攝受壞滅故學

日七

十三

何以故以五眼等無二分故憍尸迦若菩薩
摩訶薩不為佛十力增減故學無二分故不
為四無所畏四無礙解大慈大悲大喜大捨
十八不共法增減故學無二分故是菩薩
摩訶薩不為佛十力攝受壞滅故學不為四
無所畏乃至十八不共法攝受壞滅故學
何以故以佛十力等無二分故憍尸迦若菩
薩摩訶薩不為無忘失法增減故學無二分
故不為恒住捨性增減故學無二分故是菩
薩摩訶薩不為無忘失法攝受壞滅故學不

爲恒住捨性攝受壞滅故學何以故以無忘
失法等無二分故憍尸迦若菩薩摩訶薩不
爲一切智增減故學無二分故不爲道相智
一切相智增減故學無二分故是菩薩摩訶
薩不爲一切智攝受壞滅故學不爲道相智
一切相智攝受壞滅故學何以故以一切智
等無二分故憍尸迦若菩薩摩訶薩不爲一
切陀羅尼門增減故學無二分故不爲一切
三摩地門增減故學無二分故是菩薩摩訶
薩不爲一切陀羅尼門攝受壞滅故學不爲

一切三摩地門攝受壞滅故學何以故以一
切陀羅尼門等無二分故憍尸迦若菩薩摩
訶薩不爲預流增減故學無二分故不爲一
來不還阿羅漢增減故學無二分故是菩薩
摩訶薩不爲預流攝受壞滅故學不爲一來
不還阿羅漢攝受壞滅故學何以故以預流
等無二分故憍尸迦若菩薩摩訶薩不爲預
流向預流果增減故學無二分故不爲一來
向一來果不還向不還果阿羅漢向阿羅漢
果增減故學無二分故是菩薩摩訶薩不爲

預流向預流果攝受壞滅故學不為一來向
 一來果不還向不還果阿羅漢向阿羅漢果
 攝受壞滅故學何以故以預流向預流果等
 無二分故憍尸迦若菩薩摩訶薩不為獨覺
 增減故學無二分故不為獨覺向獨覺果增
 減故學無二分故是菩薩摩訶薩不為獨覺
 攝受壞滅故學不為獨覺向獨覺果攝受壞
 滅故學何以故以獨覺等無二分故憍尸迦
 若菩薩摩訶薩不為菩薩摩訶薩增減故學
 無二分故不為三藐三佛陀增減故學無二

分故是菩薩摩訶薩不為菩薩摩訶薩攝受
 壞滅故學不為三藐三佛陀攝受壞滅故學
 何以故菩薩摩訶薩等無二分故憍尸迦若
 菩薩摩訶薩不為菩薩摩訶薩法增減故學
 無二分故不為無上正等菩提增減故學無
 二分故是菩薩摩訶薩不為菩薩摩訶薩法
 攝受壞滅故學不為無上正等菩提攝受壞
 滅故學何以故以菩薩摩訶薩法等無二分
 故憍尸迦若菩薩摩訶薩不為聲聞乘增減
 故學無二分故不為獨覺乘無上乘增減故

學無二分故是菩薩摩訶薩不為聲聞乘攝受壞滅故學不為獨覺乘無上乘攝受壞滅故學何以故以聲聞乘等無二分故時舍利子問善現言善現菩薩摩訶薩如是學時不為色攝受壞滅故學不為受想行識攝受壞滅故學耶善現菩薩摩訶薩如是學時不為眼處攝受壞滅故學不為耳鼻舌身意處攝受壞滅故學耶善現菩薩摩訶薩如是學時不為色處攝受壞滅故學不為聲香味觸法處攝受壞滅故學耶善現菩薩摩訶薩如是

學時不為眼界攝受壞滅故學不為色界眼識界及眼觸眼觸為緣所生諸受攝受壞滅故學耶善現菩薩摩訶薩如是學時不為耳界攝受壞滅故學不為聲界耳識界及耳觸耳觸為緣所生諸受攝受壞滅故學耶善現菩薩摩訶薩如是學時不為鼻界攝受壞滅故學不為香界鼻識界及鼻觸鼻觸為緣所生諸受攝受壞滅故學耶善現菩薩摩訶薩如是學時不為舌界攝受壞滅故學不為味界舌識界及舌觸舌觸為緣所生諸受攝受

壞滅故學耶善現菩薩摩訶薩如是學時不
為身界攝受壞滅故學不為觸界身識界及
身觸身觸為緣所生諸受攝受壞滅故學耶
善現菩薩摩訶薩如是學時不為意境攝受
壞滅故學不為法界意識界及意觸意觸為
緣所生諸受攝受壞滅故學耶善現菩薩摩
訶薩如是學時不為地界攝受壞滅故學不
為水火風空識界攝受壞滅故學耶善現菩
薩摩訶薩如是學時不為苦聖諦攝受壞滅
故學不為集滅道聖諦攝受壞滅故學耶善

日七

十六

現菩薩摩訶薩如是學時不為無明攝受壞
滅故學不為行識名色六處觸受愛取有生
老死愁歎苦憂惱攝受壞滅故學耶善現菩
薩摩訶薩如是學時不為內空攝受壞滅故
學不為外空內外空空大空勝義空有為
空無為空畢竟空無際空散空無變異空本
性空自相空共相空一切法空不可得空無
性空自性空無性自性空攝受壞滅故學耶
善現菩薩摩訶薩如是學時不為真如攝受
壞滅故學不為法界法性不虛妄性不變異

性平等性離生性法定法住實際虛空界不
思議界攝受壞滅故學耶善現菩薩摩訶薩
如是學時不為布施波羅蜜多攝受壞滅故
學不為淨戒安忍精進靜慮般若波羅蜜多
攝受壞滅故學耶善現菩薩摩訶薩如是學
時不為四靜慮攝受壞滅故學不為四無量
四無色定攝受壞滅故學耶善現菩薩摩訶
薩如是學時不為八解脫攝受壞滅故學不
為八勝處九次第定十遍處攝受壞滅故學
耶善現菩薩摩訶薩如是學時不為四念住

攝受壞滅故學不為四正斷四神足五根五
力七等覺支八聖道支攝受壞滅故學耶善
現菩薩摩訶薩如是學時不為空解脫門攝
受壞滅故學不為無相無願解脫門攝受壞
滅故學耶善現菩薩摩訶薩如是學時不為
五眼攝受壞滅故學不為六神通攝受壞滅
故學耶善現菩薩摩訶薩如是學時不為佛
十力攝受壞滅故學不為四無所畏四無礙
解大慈大悲大喜大捨十八佛不共法攝受
壞滅故學耶善現菩薩摩訶薩如是學時不

爲無忘失法攝受壞滅故學不爲恒住捨性
攝受壞滅故學耶善現菩薩摩訶薩如是學
時不爲一切智攝受壞滅故學不爲道相智
一切相智攝受壞滅故學耶善現菩薩摩訶
薩如是學時不爲一切陀羅尼門攝受壞滅
故學不爲一切三摩地門攝受壞滅故學耶
善現菩薩摩訶薩如是學時不爲預流攝受
壞滅故學不爲一來不還阿羅漢攝受壞滅
故學耶善現菩薩摩訶薩如是學時不爲預
流向預流果攝受壞滅故學不爲一來向一

來果不還向不還果阿羅漢向阿羅漢果攝
受壞滅故學耶善現菩薩摩訶薩如是學時
不爲獨覺攝受壞滅故學不爲獨覺向獨覺
果攝受壞滅故學耶善現菩薩摩訶薩如是
學時不爲菩薩摩訶薩攝受壞滅故學不爲
三藐三佛日七陀攝受壞滅故學耶善現菩薩摩
訶薩如是學時不爲菩薩摩訶薩法攝受壞
滅故學不爲無上正等菩提攝受壞滅故學
耶善現菩薩摩訶薩如是學時不爲聲聞乘
攝受壞滅故學不爲獨覺乘無上乘攝受壞

滅故學耶

大般若波羅蜜多經卷八十七

永樂北藏

大般若波羅蜜多經

第三冊

永樂北藏

大般若波羅蜜多經

第三冊